

覆

瓿

集

覆瓿集

四庫全書珍本初集
別集
集
類部

欽定四庫全書

集部六

覆瓿集目錄

別集類五明

卷一

五言古詩

七言古詩

卷二

五言律詩

七言律詩

卷三

七言律詩

五言絕句

六言絕句

七言絕句

卷四

序

卷五

記

卷六

記

說

銘

跋

卷七

賦

書啟

傳

墓誌銘

祭文

卷八

附錄

臣等謹按覆瓿集七卷明朱同撰同字大同
休寧人洪武中翰林學士升之子也承其家

學自號紫陽山樵明史附見升傳中所紀官
履甚畧范櫟跋稱洪武中以人材舉為東宮
官尋進禮部侍郎而同時范準作雲溪歸隱
圖跋則云由吏部員外郎陞禮部侍郎準字
平仲嘗受業于升與同交至契所記宜得其
寔又明史載同坐事死不詳其由蔣一葵堯
山堂外紀乃云同以詞翰受知宮人多乞書
便面一日御溝有浮尸帝疑之遂賜死其說

頗荒唐未可信也集凡詩三卷多元末之作
爽朗有格文四卷議論純粹不愧儒者之言
惟以七言古體之八句者列為律詩則編者
之悞耳乾隆四十三年五月恭校上

總纂官臣紀昀臣陸錫熊臣孫士毅

總校官臣陸費墀

覆瓿集原序

嘗讀吾鄉汪公仁峯文集內有新安師友序專述理學諸儒稱許簡嚴而楓林學士之後繼以禮侍朱先生同大同先生字也學士之胄也是父是子家學相承即宦業亦自表表後以遭誣蒙難未竟厥施而懿行遺編則揭日月而行者矣洎以訪古仰止鄉先達曾跋涉至其仁里瞻謁先生遺像會其裔孫時新茂才問有無文集知久失咨嗟者久之逾月茂才搜錄先生覆瓿稿詩文

各數卷余斂容讀之文則羽翼六經詩則盛唐風致猶
可想見國初渾渾噩噩之景象焉又何其幸也雖篇章散
落十不存二三而得窺一斑亦可測其全體矣邈洙泗
而嗣徽音是在箕裘與私淑之君子後學范涑書

大同武進字也學士之曾也其父是子其學其明家
語語辭特簡意而歷林學士之外雖以野村未食土得
名觀者雖至公亦不其大其內其言其明其學其明家
則其學其明

欽定四庫全書

覆瓿集卷一

明 朱同 撰

五言古詩

伯元宅閱故書有感示彥珍

丙午

鄉里昔承平甲第爭相高十年罹兵燹瓦礫生蓬蒿君
家全盛時池館集羣豪揮灑共談笑綠衣照青袍借問
創業難昔人無廼勤勞未易道勗君永終保架上多
羣書片紙俱可攷微倖不可求青霄未易到有源斯有

委母為彼行潦好風自東來悠揚吹百草及此愛日遲
莫負青春早與君為兒童簡編時卷舒迴頭二十年舊
學日已疎韶光速流電那能少躊躇君子與小人所趨
不相如遠之良不難慎勿迷厥初作詩示同志因之重
欷歔

始生日有感

癸卯

天馬辭月窟飄然來沙塲飛鴻失其羣哀吟獨南翔我
生胡不辰三年羈錢塘矯首屢四望雪晴關山長男兒

生墮地勲名在四方那能守丘園鬱鬱懷故鄉所悲有
雙親白髮垂高堂溫清誰當共甘旨誰當嘗所以終夜
起愴然悲以傷由來忠孝節千古垂綱常大罪既逆天
細事胡足量登高觀大荒大荒何茫茫白日懸蒼穹不
照游子腸

送吳允堅掌儀入閩省親

癸卯

海鳥拂羽翩翩然獨南翔楚人不識鳳馬能知商羊我
本黃山人仗劍游錢塘見君恨已晚盤桓與蘇杭忽動

定省念告言駕海航我親亦念我白髮垂高堂未遂終
養心中宵不能忘豈無負郭田與君濯滄浪男兒百年
間事業不可量努力在少年莫令鬢毛霜我有清樽酒
為君舉一觴酒酣發長歌中心愴以傷莫辭今夕歡可
以訴衷腸明朝片帆去雲海蒼茫茫

樓居翫月偶成

戊申七月

岑樓乃面西不知觀月出但怪牕外山皺文何歷歷倚
欄夜向分疲極暫偃息夢破五更寒滿樓映虛白呼童

急開牖當簷挂圓壁清氣灑襟懷皎月侵床席半輪漸
銜山須臾盡傾沒遙天空明際四山已如墨佳景不可
留難得良易失長笛忽一聲喚起東方白

贈副使丘克明

并序

徽府織染局副使丘克明居官時有毀之於上
官者折挫抑鬱成疾不復出因得辭歸袁州與
之友者裒詩贈行為賦此

木落長空高霜風凋百草此時新安客夜夢宜春道經

金匱要略卷一
綸方欲展歸計一何早豈無五色線黼黻衮龍好所悲
本素絲彰施非我抱自從居官來衣裳屢顛倒萋斐成
目錦危機固難保况以羸病軀當此百憂擣故山松菊
晚三徑復誰掃歸耕實吾事巖穴聊養浩不聞堯舜世
巢由亦高蹈勗君青松心永保冰霜操

同余子韶等十人赴儒選舟行分韻賦詩得臨

字 辛亥秋

明月出東海餘輝照衣襟赫日苦炎蒸愛此清夜深况

有羣賢俱樽酒相與斟共嗟會面難扣舷發長吟嚴親
既我棄遺書寧披尋游子復遠征何以慰母心聖朝無
棄物四海同君臨豈以衰絰儒而強加冠簪君當登雲
衢我當歸故林努力崇令德矯首領佳音

彥銘江兄分韻得九字復賡之

里閨本非遙如何別來久今日獲同舟相看憶南畝聖
朝起山林內顧何所有仰事猶未終固辭非敢後文昌
富文藻雲夢吞八九覩此琳琅篇豈同草木朽